

BOSNA I HERCEGOVINA
Federacija Bosne i Hercegovine
KANTON SARAJEVO
GRAD SARAJEVO
GRADONAČELNIK



Grad Sarajevo
City of Sarajevo

BOSNIA AND HERZEGOVINA
Federation of Bosnia and Herzegovina
CANTON OF SARAJEVO
CITY OF SARAJEVO
MAYOR

**O D L U K A
O KANDIDATURI GRADA SARAJEVA
ZA KREATIVNI GRAD FILMA UNESCO-A**

Preлагаč: Gradonačelnik

Obrađivač: Gradska služba za lokalnu samoupravu i razvoj grada

Sarajevo, maj 2019. godine

Adresa: Hamdije Kreševljakovića 3, 71000 Sarajevo, Bosna i Hercegovina
Tel: +387 33 208 340, +387 33 443 050; **Fax:** +387 33 208 341
e-mail: grad@sarajevo.ba; **web:** www.sarajevo.ba



EYOF 2019
Sarajevo & East Sarajevo

Na osnovu člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), Gradsko vijeće Grada Sarajeva, na sjednici održanoj dana __ .__ .2019. godine donosi:

(prijedlog)

O D L U K U
O KANDIDATURI GRADA SARAJEVA ZA KREATIVNI GRAD FILMA UNESCO-A

Član 1.

Ovom odlukom utvrđuje se interes Grada Sarajeva da se kandiduje za Unesco kreativni grad filma.

Član 2.

Daje se saglasnost Gradonačelniku da preduzme sve aktivnosti u cilju zadovoljavanja uslova aplikacije i podnošenja validne dokumentacije za uspješnu kandidaturu Grada Sarajeva za status grada filma unutar Mreže kreativnih gradova UNESCO-a.

Član 3.

Kandidatura Grada Sarajeva se podnosi u saradnji sa Obala Art Centrom, koji će, u slučaju odobravanja kandidature imati ulogu upravljačke jedinice grada filma.

Član 4.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

PREDSJEDAVAJUĆI GRADSKOG VIJEĆA

Igor dr. Gavrić

Broj:
Sarajevo, __ .__ .2019. godine

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 26. stav 1. tačka 2. Statuta Grada Sarajevo („Službene novine Kantona Sarajevo“, broj 34/08 – prečišćeni tekst) kojim je propisano da Gradsko vijeće Grada Sarajevo ima nadležnost da donosi odluke, druge propise i opće akte i daje njihovo tumačenje.

RAZLOZI DONOŠENJA

Grad Sarajevo se odlučio za kandidaturu za status kreativnog grada filma unutar Mreže kreativnih gradova UNESCO-a na osnovu detaljnih razgovora i konsultacija s relevantnim učesnicima iz kreativne oblasti filma, kao i uzimajući u obzir značajnu ulogu koju filmska industrija i ostale kreativne industrije mogu imati u budućem održivom razvoju grada.

Pri tome, uzeli smo u obzir dosadašnje pozitivno iskustvo koje grad ima u kreativnoj oblasti filma, posebno u toku Sarajevo Film Festivala, vodećeg filmskog festivala u regiji, koji privlači i dovodi filmske profesionalce i širu publiku iz cijelog svijeta u Sarajevo i ostvaruje veliki ekonomski, društveni i kulturni uticaj u gradu. Svake godine u gradu se uspješno organizuju i drugi manji filmski festivali, dok kultni filmovi snimljeni u Sarajevu i filmske lokacije svake godine doprinose pozitivnom imidžu grada i privlače filmske profesionalace, filmofile i turiste.

Na međunarodnom nivou, dobijanje statusa kreativnog grada filma UNESCO-a gradu Sarajevu bi otvorilo nove mogućnosti u oblasti filma kroz razvoj međunarodnih kreativnih projekata, organizaciju značajnih međunarodnih događaja, te razmjenu znanja i dobrih praksi s relevantnim međunarodnim partnerima.

Na lokalnom nivou, status kreativnog grada filma bi značio naglašenje promovisanje kreativnih industrija u gradu, jačanje učešća svih relevantnih aktera u kreativnom i kulturnom životu grada, te dugoročno intergrisanje kreativnosti i kulture, a posebno kreativne oblasti filma i pratećih kreativnih industrija, u razvojne planove i strategije grada. Grad Sarajevo kao kreativni grad filma UNESCO-a bi omogućio nove pristupe i angažmane u filmskoj i televizijskoj industriji, poboljšanje filmskih lokacija i infrastrukture, obrazovanje novih kadrova i povećanje zapošljavanja, te razvoj filmskog turizma.

FINANSIJSKA SREDSTVA

Finansijska sredstva za realizaciju ove Odluke nisu potrebna u 2019. godini, a u slučaju odobravanja kandidature, sredstva će se planirati u budžetima Grada narednih godina.